

Luzcai Banh Aen “Ciet Hai Dangzrwi”

12 nyied 20 hauh, youq Luzcai Yen Lahgouh Yangh Mbanjlahgouh, gyoengqvunz Yauzcuz、Bouxcuengh、Bouxgun daengj minzcuz diuq foux caez angqhoh “ciet hai dangzrwi”. Neix dwg aen ciet 478 hoh 1736 boux vunzungzhoj Mbanjloegcang、Mbanjlahgouh aen yangh neix duet mauhgungz le comz banh ndeu, gingqhoh ndaej gvaq saedcej vuenyungz. Gij dieg Lahgouh Yangh miz 92.8% cungj dwg ndoengfaex, gig habngamj hwngfat canjnieb ciengx rwi. Aen cwngfuj dangdieg couh dazyinx ranzungzhoj bae ciengx rwi. Gyoengqde menhmenh couh duet mauhgungz lo, byaij ok diuz roen baenzmiz diemzvan ndeu.

(Lai Genveih/赖建辉)

► Gyoengqvunz diuq foux angqhoh “ciet hai dangzrwi”.



Bwzswz Minzcuz Dijyuz Coenghrengz Minzcuz Doxgiet

12 nyied 18 hauh, Bwzswz Si Davaz Minzcuz Yozyau banh aen yin-dungvei “cienzdoengj dijiyuz coi ndangcangq, dujva minzcuz doxgiet langh ronggywg”. Yindungvei gungh miz caij maxfaex、fouxfaxsoux、dwkgyangq、aemq aenlaep cieplwgdmdaengj baenz gouj aen hanghmoeg dijiyuz doxdax. Gij doxdax neix gyagiengz ndangdaej lwghag, gyalag gij cingzgeih gak aen minzcuz lwghag, doidoengh dijiyuz vwnzva minzcuz ciepcienz caeuq hwngfat.

(Luz Yui Veiz Ciuh-len/陆锐 韦秋恋)



▲Aen yienhciegz doxdax dwkgyangq.



▲ Youq yangluengq lwnhgangj faplwd hawj vunzmbanj Yauzcuz rox.

Bazbu Gih:

Haeuj Mbanjyauz Lwnhgangj Fapceih

12 nyied 17 hauh, Hocouh Si Bazbu Gih Shwfazgiz haeuj laeng Vangzdung Yauzcuz Yangh Mbanjsamgiz caeuq gyoengq beixnuengx Yauzcuz doxcaez banh aen hoihdoxlien hawj minzcuz doxgiet dem aen hozdung lwnhgangj fapceih. Gyoengqde lwnhgangj faplwd hawj gyoengqvunz rox, lumjbaenz fapguek、ra faplwd bangcoh、vwnhyinhfaz、guhHong couhnieb、minzcuz cwngcwz daengj. Gij hozdung neix hawj vunzmbanj gag rox hag fap、souj fap、yungh fap、vih gyamaenh caeuq hwngfat minzcuz gvanhaeh laeb baenz aen giekdaej fapceih ndeimaenh ndeu.

(Liengz Cinvaz Loz Yezhing/梁晋华 罗月杏)

Yungzanh Dienhgoeng Benz Byanae Bauj Gungdienh



▲ Seiz liebyawj gyoengqde sam mbouj seiz aeu raemj bae ngefaex laengz roen haenx.

12 nyied 18 hauh, gyoengq dienhgoeng Yungzanh Gunghdensoj benz hwnj byanae bae liebyawj gij sienqloh gwnz byasang. Geij ngoenz neix, Yungzanh Yen mbanj dieg haijbaz sang haenx roengz fwn lienx nae, vunzlai yungh dien couh gyalai. Vih neix, gyoengq dienhgoeng lij haeuj ranz bae cazyawj cingzvang yungh dien, bauj gyoengqvunz diegbya ndaej yungh dien an-cienz.

(Cinz Gozcwng Binh Cingen/陈国正 宾俊建)